

São João Bosco, konsolador ema ki'ak no ema bain-bain nian ...
 São João Bosco, manan na'in vokasaun nian ...
 São João Bosco, belun foin-sa'e serbisu na'in sira nian ...
 São João Bosco, belun foin-sa'e ne'ebé iha perigu laran ...
 São João Bosco, gia na'in foin-sa'e sira ne'ebé susar atu tuir lei ...
 São João Bosco, modelu kreativu katekista sira nian ...
 São João Bosco, padroeiru editor katoliku sira nian ...
 São João Bosco, Padroeiru estudante sira nian ...
 São João Bosco, inspirador hakerek na'in sira nian ...
 São João Bosco, defende na'in ema kiik no abandonado sira.....

Maromak Nia Bibi Oan be kasu mundu nia salan, **Hano in ami, Na'i**
 Maromak Nia Bibi Oan be kasu mundo nia salan, **rona ami, Na'i**
 Maromak Nia Bibi Oan be kasu mundo nia salan, **Perdua ami, Na'I**

Orasaun ba S. João Bosco
 Maromak laran luak, ho Ita kbi'it wain Lalehan nian, Ita haraik mai
 ami S. João Bosco, Aman no Mestre Foin sae sira nian, ne'ebe simu
 dalan hosi Virgem Maria; halao serbisu ho neon no laran tomak hodi
 haluha kole, ba Igreja nia diak; halakan mos iha ami roman tulun nain
 ida ne'e, ne'ebe lori ami hodi soi klamar sira no serbi deit Ita Boot.

Ami harohan ne'e, hodi NJC nia naran hamutuk ho Espirito Santo.

Guia: Nai haraik bensaun mai ita hadok ita husi salan no lori ita ba moris rohan laek.

Kantu: HBN 421 Viva Don Bosco



ORASAUN VIZITA ILAS DON BOSCO NIAN

TEMA:

“ Ó mos bele sai santu ho Don Bosco ita Aman, Mestre no Belun”

(Ambiente: Prepara atu ema hotu bele tur haleu estatua DB se halo proseisaun hanesan bai-bain)

Kantu: SÃO JOÃO BOSCO, AMLULIK DOBEN

São João Bosco, amlulik doben, ami Mestre, ami Aman
 Ba ita boot ami hananu nudar oan be hadomi
 Tamba ita hatudu (mai) ami dalan roman ba Maromak,
 ami moris sei nabilan ho Maromak nia grasa.

Don Bosco, mai fali iha ami leet. Hatudu mai ami Jesus nia oin. (2x)

Klosan sira sai santu hotu 'ha Jesus nia kadunan.
 Sai Maria nia doben sira; Santu Padre nia emar.
 Ba Maromak nia Kreda ami hotu sasin tebes,
 hodi dehan sai nafatin: fo mai klamar, ne'e to'o ona.

Guia: Hodi Padre.

H: Amen.

Guia: Na'i laran diak no laran luak haraik Nia bensaun wain mai ita, tulun ita ohin no ba nafatin.

H: Amen.

Guia: La'o ho Don Bosco iha dalan santidade. Ita fiar katak Maromak nafatin hatudu nia domin mai ita ema, liu husi meius oi-oin; atu ema sente Maromak nia domin no liu-liu hatene hahií no agradese Maromak ba Nia domin bo'ot ba umanidade. Dalan ida mak liu husi Maromak Nia Santo sira. Ohin ita sei (harohan/la'o) ho ita nia Aman,

Mestre no Belun Don Bosco, hodi mai vizita no haree nia oan sira ne'ebe kontinua haburas ninia Karizma, atu serbi Maromak liu hosi edukasaun foin-sa'e sira nian.

Vizita espesial ita nia Aman, Mestre no Belun Don Bosco mak okaziaun ida mai ita hotu ne'ebé bolu ita nia-an Don Bosco nia oan sira, atu hafoun ita nia identidade, liu-liu ita nia entuziazmu atu sai sarani di'ak no sidadaun ne'ebe onestu. Iha ita nia orasaun ida ne'e, husi Don Bosco nia harohan da'et, mai ita hasa'e ba Aman Maromak ita ida-idak nia presiza, ita nia familia, ita nia sosiedade, ita nia Na'i ulun sira, edukadores no ema hotu ne'ebé presiza ita nia tulun.

(Konvida ema hotu bele (tur/la'o) no hahu ho orasaun sira tuir mai ne'e)

Kantu: Iha mundo oras ne'e ...

Leitor 1: Mai ita harohan ba Maromak ita Aman, liu husi Don Bosco nia harohan daet, atu bele sai sarani diak no sidadaun ne'ebé onestu. *Ita harohan hodi hananu: Don Bosco, mai fali iha ami leet.Hatudu mai ami Jesus nia oin. (2x) (kanta ref deit)*

Leitor 2: Mai ita harohan ba Maromak ita Aman, liu husi Don Bosco nia harohan daet, atu hametin ita nia fiar sarani. *Ita harohan hodi hananu: Don Bosco, mai fali iha ami leet.Hatudu mai ami Jesus nia oin. (2x) (kanta ref deit)*

Leitor 1: Mai ita harohan ba Maromak ita Aman, liu husi Don Bosco nia harohan daet, ba ema hotu ne'ebé hadook-an husi Kreda tan riku soin mundo nian. *Ita harohan hodi hananu: Don Bosco, mai fali iha ami leet.Hatudu mai ami Jesus nia oin. (2x) (kanta ref deit)*

Leitor 2: Mai ita harohan ba Maromak ita Aman, liu husi Don Bosco nia harohan daet, ba ema hotu ne'ebé moras iha uma no iha hospital. *Ita harohan hodi hananu: Don Bosco, mai fali iha ami leet.Hatudu mai ami Jesus nia oin. (2x) (kanta ref deit)*

Leitor 3: Mai ita harohan ba Maromak ita Aman, liu husi Don Bosco nia harohan daet, ba kaben sira atu sai fiel ba sira nia moris nune'e bele eduka didiak oan sira. *Ita harohan hodi hananu: Don Bosco, mai fali iha ami leet.Hatudu mai ami Jesus nia oin. (2x) (kanta ref deit)*

Kantu: Auxiliadora Virgem formosa

Guia: Mai ita reza ba ema hotu ne'ebé malirin iha sira nia devosaun ba Ita Nain Feto

Hotu-hotu sei hatan: Maria Inan Doben, harohan Jesus mai ami.

1. Atu Familia sira kontinua habelar devosaun ba Nain Feto liu husi orasaun rozariu lor-loron nian.
2. Atu sarani sira hatene tau fiar iha Nai Feto katak Jesus entrega ita ba Na'I Feto nia liman atu sai ita nia Inan.
3. Atu sarani sira hotu bele kuda devosaun ba Nain Feto hodi moris tuir Don Bosco nia lia menon. Fiar iha Nai Feto Maria Auxiliadora ó sei hare saida mak milagre.
4. Atu foin-sa'e sira bele hetan protesau husi ita Inan di'ak ne'e.
5. Atu labarik no foin-sa'e sira aprende husi Nai Feto rai didiak sira nia pureza.

Padre ou Guia: Ita harohan: Ó Na'i Maromak ami Aman, Ita fó ona mai ami Maria, nu'udar Mestra. Loke ami nia fuan atu ami iha konfiansa bo'ot ba Nia no ba Nia domin, nune'e ami bele laran metin ba Nia protesau Inan nian. Ami harohan ne'e....

Tuir mai bele reza Tersu hili Misterio tuir loron ne'ebe ita simu Ilas Don Bosco nian.

Taka ho Guia:Litania ba São João Bosco

Na'i, sadia ami.... *Na'i, sadia ami*

Cristo, sadia ami....*Cristo, sadia ami*

Na'i, sadia ami.... *Na'i, sadia ami*

Maromak Oan, Maksoin mundu nian... *Harohan mai ami.*

Maromak Espirito Santo... *Sadia ami.*

Santissima Trindade, Maromak ida de'it... *Sadia ami.*

Maria Sarani sira nia tulun... *Harohan mai ami.*

São João Bosco, Aman foin-sa'e sira nian ...

São João Bosco, manan na'in Eukarista nian ...

São João Bosco, apostolo perdaun nian ne'ebé la kole ...

São João Bosco, obediente ba Maromak nia planu...

São João Bosco, obediente ba ulun kreda nian ...

São João Bosco, Na'i Feto nia oan doben ...

São João Bosco, habelar na'in unidade nian ...

São João Bosco, edukador fiar no moral nian...

São João Bosco, modelu moris ba foin-sa'e sira...

“Foin-sa’e ne’e hakbesik ho ta’uk no tanis tan kastigu ne’ebé nia simu. Ha’u husu ho domin tomak ne’ebé ha’u bele no konvida nia atu mai tuir Misa, hafoin ho ksolok ha’u ko’alia ho nia kona ba buat ida ne’ebé nia sei gosta.” Nia hakotu lia katak nia sei halo duni nune’e. Ha’u hakarak hamaus foin-sa’e ne’e nia laran moras, no lakohi husik nia ba ho impresaun a’at kona ba sakristaun nia hahalok. Misa no agredesimentu hotu tiha, ha’u lori ha’u nia belun ne’e ba fatin koru nian. Ho oin haksolok, ha’u asegu nia katak nia la bele ta’uk tan katak ema sei baku nia. Ho foin-sa’e Bartolomeo Garelli, oan ki’ak ba aman inan ne’e, ha’u hahu lisaun katesismu nian.

Ha’u hamriik hodi halo sinal krus nian atu hahu, maibé ha’u nia alunu la halo, tan nia la hatene. Iha katesismu uluk ne’e, ha’u hanorin nia atu halo sinal krus nian, hodi hatene Maromak ne’ebé halo lalehan no rai, no hanorin nia tansa Maromak haki’ak ita. Maski nia la dun matenek, maibé ho laran badinas no fó atensaun maka’as, iha loron festa uitoan de’it, nia hatene ona naton atu bele konfesa di-di’ak no la kleur tan, simu primeira komuñau.

Leitor 2: Maromak Nia Lia Fuan (Jo 2, 1-11)

Liu tiha loron tolu, ema halo festa kaben nian iha Kana Galileia nian. Jesus nia inan iha ne’ebá. Jesus ho nia eskolante sira simu mós konvite ba festa. Tamba tua la iha ona, Jesus Nia inan dehan ba Nia: “Sira nia tua hotu ona.” Jesus simu dehan: “Na’in feto, ita atu halo sa lós? Ha’u nia loron la dauk to’o.” Maibé nia inan dehan ba sira ne’ebé hein meja: “Imi halo tuir buat ne’ebé Nia haruka.” Kusi neen iha ne’ebá, atu Judeu sira fase ain no liman; kusi ida-ida bele lori litru ualu -nulu ka atus-ida rua-nulu. Jesus lia tun ba sira: “Imi tau bee ba kusi sira ne’e to’o nakonu.” Sira tau bee nakonu di-di’ak to’o ibun. Hafoin Jesus dehan ba sira: “Imi bele hasai ona, lori ba uma na’in tenda.” Sira lori duni. Uma na’in tenda koko tiha bee nakfila ba tua (tan nia la hate-ne tua ne’e mai hosi ne’ebé, maibé ema sira ne’ebé hein meja no kuru bee hatene); nia bolu noivu hodi dehan: “Ema hotu fó uluk tua di’ak; konvidadu sira hemu didi’ak ona, hafoin mak fó tua la dun di’ak. O fali rai subar tiha tua di’ak to’o oras ne’e.” Ne’e mak milagre uluk ne’ebé Jesus halo iha Kana Galileia. Nia hatudu nia gloria, nia eskolante sira fiar Nia.

Don Bosco nia surat ba ita:

Ha’u oan doben sira, tau buat hotu iha Nain Feto nia protesau. Nia sei proteje ita husi perigu laran no sei lori ita ba Nia Oan Jesus.

Guia: Ami Aman... Ave Maria no Gloria ... (3x)

Leitor 1: Mai ita harohan ba Maromak ita Aman, liu husi Don Bosco nia harohan daet, ba foin-sa’e sira, atu sira bele hatene hatan ba Maromak nia bolu hatene hili dalan ne’ebé diak liu ba sira nia moris. *Ita Ita harohan hodi hananu: **Don Bosco, mai fali iha ami leet. Hatudu mai ami Jesus nia oin.** (2x) (kanta ref deit)*

Nonok wituan...

Guia: Iha Don Bosco nia presenza iha ita le’et mai ita rona nia esperi-ensias sira. Husi esperiensa sira ne’e nia hanorin ita atu la’o iha dalan santidade. Iha tinan ida ne’e Reitor Mor dezafia ita wainhira nia dehan iha nia Estreia katak: **“O mos bele sai santu”**. Ita bele sai santu wainhira ita hala’o didiak ita nia knar sira.

Ho Don Bosco ita deskobre nia domin ba Sacramento sira.

Leitor 1: Don Bosco nia esperiensa

“Iha ema lubun bo’ot nia leet, susar duni atu hado’ok an hosi distrasaun. Bainhira Paskua besik ona, ha’u nia inan hakaas an atu tulun ha’u liu tan. Iha kuaresma laran, nia lori ha’u atu konfesa dala tolu. “Joãozinho,” nia dehan fila-fila, “Maromak prepara ba ó presenti bo’ot ida; prepara ó nia an didi’ak, hodi konfesa, keta subar buat ruma, maibé konfesa sala hotu. Hakribi’it ó nia sala hotu, no hakotu lia ba Maromak katak ó sei halo an di’ak liu iha futuro.” Ha’u hakotu lia duni, maibé ha’u laran metin ka la’e, Maromak mak hatene. Iha uma, inan halo ha’u reza, le’e livru di’ak, fó konselu di’ak ne’ebé inan badinas hatene buka oportunidade ba nia oan sira.

Leitor 2: Maromak Nia Lia Fuan (Jo 14, 12-14)

Tebes, tebes duni, Ha’u dehan ba imi: ema ne’ebé fiar iha Ha’u sei halo mós hahalok sira ne’ebé Ha’u halo; nia sei halo hahalok boot liu fali hirak ne’e, tan Ha’u ba Aman. Buat ne’ebé imi husu hodi Ha’u nia naran, Ha’u sei halo, atu Aman hetan gloria iha Oan; imi husu karik buat ida hodi Ha’u nia naran, Ha’u sei halo.”

Don Bosco nia surat ba ita: *Ha’u oan doben sira, Airin rua ne’ebé bele suporta ita ka nu’udar liras atu semo a’as liu no bele tama ba Lalehan mak Sakramentu Konfesa no komiñau..*

Guia: Ami Aman, Ave Maria no Gloria (3x)

Kantu: Jesus dalan diak lia los no ami moris.

Hotu-hotu sei hatan hodi hanani: Ami harohan ba Ita oh Na'i rona ami nia hamulak.

1. Atu ita hatene fo folin ba Sakramento Eukaristia no konfissaun.
2. Atu ita sai badinas ba Misa Domingo no loron bo'ot sira.
3. Atu ita hatene prepara didiak ita nia fuan sai nu'udar sakrariu ba Jesus wainhira ita simu Jesus iha komuñau .
4. Atu sarani sira hotu hatene fo folin ba sira nia promesa Baptismo nian .
5. Atu iha uma laran, hatene simu malu no perdua malu.

Amu Lulik ou Guia: Ita harohan: O Na'i Maromak ami Aman, Ita laran be nakonu ho miserikordia no perdaun, haraik mai ami grasa atu ami hatene hakribit ami nia salan hotu, ho sinseridade hala'o konfesaun, no haka'as-an atu muda ami nia moris liu husi propózitu ne'ebé sériu no efikaz. Ami harohan ne'e.....

Kantu: DON BOSCO, AMI AMAN HBN 409

Ho Don Bosco ita buka atu diskobre fali ita-nia obrigasaun lor-loron nian

Leitor 1: Don Bosco nia esperiensa:

“Hamutuk ho Don Lacqua, João iha tempu malirin (inverno) tinan 1825 no 1826 halo kompleta ninia eskola elementaria nian. Ba Antonio, ne'ebé uluk iha pasiensa oituan ho João ikus mai lakohi tan haree João atu estuda. Agora João tenke kaer enxada hanesan sira seluk no kosar iha to'os. Maske nune'e, João sei iha esperansa atu kontinua estuda: Iha Capriglio nia empresta livru foun sira husi nia mestre, no buka tempu nafatin atu aprende tan buat ruma. Ho liman ida kaer enxada, ida seluk, kaer livru *gramática*. Hamutuk ho sira seluk fila rai, hamos du'ut no tau hamutuk du'ut hotu. Maibé wa'inhira to'o tempu han kalan nian João hases-an tiha husi sira seluk. Durante han, nia loke hikas nia livru, livru ida sempre loke nafatin iha João nia oin, besik ba nia bikan durante han, nune'e mós wa'inhira han kalan hotu tiha.

Leitor 2: Maromak Nia Lia Fuan Evanjellu: (Lk 2, 41-52)

Tinan-tinan Jesus nia inan-aman sira ba Jerusalem iha festa Pasqua. Wa'inhira Nia halo tinan sanulu resin rua, sira sa'e ba Jerusalem, tuir lisan festa nian. Festa hotu tiha, sira fila hikas ba uma, maibé Jesus hela iha Jerusalem; nia aman sira la hatene. Sira hanoin katak Nia la'o ho maluk sira. La'o tiha loron ida, mak sira buka Nia iha parenti no maluk sira leet. Tan la hetan Nia, sira fila-fali ba Jerusalem hodi buka Nia. Liu tiha loron tolu, sira hetan fali Nia iha templu, tur hela iha ema

matenek sira leet, hodi rona no husu sira. Ema hotu ne'ebé rona Nia hakfódak ho nia matenek no nia liafuan. Hare tiha Nia, nia aman sira hakfodak teb-tebes. Nia inan hateten ba Nia: “Ha'u oan, tansa O halo nune'e mai ami? O nia aman ho ha'u neon susar teb-tebes hodi buka O.” Nia dehan ba sira: “Tansa imi buka Ha'u? Imi la hatene katak Ha'u sei hela iha Ha'u Aman nia uma?” Maibé sira la komprende lia hirak ne'e katak sa. Jesus tun fali hamutuk ho sira ba Nazaré, hodi halo tuir sira nia hakarak. Nia inan rai lia hirak ne'e hotu iha nia laran. No Jesus sai boot ba dau-daun iha otas, matenek no kmanek, iha Maromak no ema sira oin.

Don Bosco nia surat ba nia oan sira: *Ha'u oan doben sira, hala'o didiak imi nia knar sira, imi iha dalan los atu sai santu.*

Guia: Ami Aman, Ave Maria no Gloria (3x)

Kantu: O Virgem sacrossanta HBN no 391

Hotu-hout sei hatan: Harohan Jesus mai ami.

1. Atu Na'in ulun sira hatene ukun povu tuir ukun Fuan domin nian.
2. Atu edukadores sira hanorin estudante sira ho pasiensa no domin.
3. Atu doutor sira tau matan didiak ba ema moras sira
4. Atu ita hotu ne'ebe oras ne'e dadaun hallibur an iha ita Aman Don Bosco nia oin bele hafoun-an hodi sai nia oan sira ne'ebé diak.

Padre ou Guia: Ita harohan: O Na'i Maromak ami Aman, hanorin ami atu kumpri lolos ho puntualidade ami nia knaar lor-loron nian, hodi moris iha santidade loron ba loron ho ema hotu. Ami harohan ne'e.....

Kantu: Salve Don Bosco HBN 418

Ho Don Bosco ita diskobre nia domin ba Maria Auxiliadora.

Leitor 1: Ita sei rona Don Bosco nia esperiensa ruma ne'ebé nia rasik sei haktuir mai ita.

Iha loron bo'ot Nain Feto Imaculada Conceição nian (8 Dezembro 1841) iha tempu ne'ebé marka ona, ha'u prepara-an atu celebra Misa. Sakristaun, naran Giuseppe Comotti, haree foin-sa'e ida iha kredo sikun ida, konvida nia atu ajuda Misa, maibé foin-sa'e ne'e hatan ho sinseridade katak seidauk hatene, nia hirus hodi baku foin-sa'e ne'e ho fafulu aisar nian, ne'ebé usa atu hamós rai rahun, foin-sa'e ne'e ta'uk teb-tebes no hahu halai, maibé ha'u hakilar maka'as, “Ita bo'ot halo saida, tansa ita bo'ot baku nia nune'e? Nia halo aat saida?